

更

生

齋

集

更生齋詩續集卷四

陽湖洪亮吉著

徑山大滌集

丙寅元日

甲子才周歲復遷衰翁又值丙寅年身經荷戟投荒後
夢憶懸弧委巷邊近市半生頻徙宅孤兒卅載總呼天
太宜人棄不孝等已三十年今看檐外春無恙醉向屠蘇席上眠
卽事

一縷香浮半畝煙偶然清夢落尊前不歸燕子乍來雁

頻日見燕子

破例江南正月天

丙寅新正將遊餘杭大滌山回至湖上訪破迷小顛諸

老衲先東三首

只有青山好能供白首遊誰憐雙繭足曾歷萬峯頭
酒滿詩先得天空海自流更尋塵外境老衲與勾留

衰翁何所好蠟屐并攤書作客欲終老還家逼歲除
古懷同石臥青眼向梅舒商畧屠蘇飲門前自翦蔬

罷官無寸祿興發卽幽尋却喜遊山費時來諛墓金
偶同雲去住不共鯉浮沉好勝仍如昔誰言白髮侵

憶謝園訪友不值

新年新月影舊客舊書堂木佛依然臥山僧何處忙
天空喧衆籟地冷結名場只有黃梅樹猶餘臘底香
夜渡鶯脰湖

一舟出浦復入浦漁火時斷時仍輝殘星不隨烏兔沒
野叟獨伴牛羊歸叢祠久已絕香燼土偶豈復留餘威
舵樓夜半忽長嘯一客四面魚龍圍

舟過嘉興

掉得蜻蜓艇子忙半程先過語兒鄉東南稅稻收偏足
雁齒船排兌白糧

迎春花

迎春開早于梅送臘去迎春來山茶爲媿水仙姊媵視
辛夷妹桃李九十日春從此起花花都作黃金色却買
春光到南陌頭搔碧玉花黃金堆鬢美人方稱心引春
纔來花已謝不願春人與聲價十五盈盈不會嫁迎春

花倘策勳合向花裏稱花神君不見迎春欣欣送春惱
富貴花開春已老只有茲花得春早

濤頭

濤頭忽起釣魚磯海上樓船逐浪飛無賴賊驚隨處是
有心人覺近來稀看花易墮尊前淚投篋仍餘短後衣
匹馬願從楊僕去未妨白髮佐戎機

放歌四首

老烏三足鼉六足分挽天關回地軸茫茫天地雙飛走
已勝媧皇補天手鼉足何必斷烏翅何必垂天地藉爾
爲安危君不見黃人青女究何苦汝與乾坤本無補

側聞三千年必出一始皇燒却無用書六籍方煌煌又

知後聖心本與前聖通若非千年一火攻前聖後聖書
雷同馬遷書既焚復出太史公枕中祕既燒又當有王
充淵雲枚馬代不乏何必後者皆拙前皆工

又疑天下事此絀彼必伸梟獍之惡補以鳳麟皇哉唐
虞嗣子朱均倘非曾參孝已善事親亦必不出食蹠鳴
鏞冒頓兼商臣吁嗟乎乾坤不測始乃神

冥冥蒙蒙沙蟲倮蟲閉以混沌開以鴻濛梟乎混沌時
天地亦有終山崩川竭卽與人死同奈何人反學不死
其意欲使天地皆無功我謂不如朝千觴募百鍾遺骸
委混沌元氣歸鴻濛死而能樂卽與不死同目不知有
洪崖生浮邱公

元夕西湖泛雨雜詩

春氣初蘇臘乍回孤山梅蘂未全開探春卻笑春人早
兩歲皆先燕子來

得閒聊訪定中僧伴我湖樓次弟登明日段家橋上坐
隔城遙看萬枝燈

元夕城隍山燈火甚盛

梅枝何瘦雪何肥似夢春陰拍鞞衣尋徧六橋無一客
鷺絲鷓鷯接天飛

瓣香相約祀文忠落落星辰此數公

謂梁侍講同書何徵君琪吳祭酒錫

麒麟州倅

只惜丙寅元旦日喪他六十七詩翁

潘侍御庭筠以

元旦日謝世

年六十七

掠湖兵撤已多年蘋葉紛披荇葉牽莫笑此間清淺水

枕波十里有桑田

水仙開後放山茶霜霰初消有露華
最小園林最低屋
參差都有出簷花

一舟如葉浪成堆風勢驚看水面回
引得船來復飄去
湖心亭子是蓬萊

幽明都喜說元宵燐火先從水上飄
却待三更人語寂
厝屭鬼出走三橋

補插千枝楊柳煙湖堤北去水黏天
南屏峯下鐘三杵
惹得魚龍夜不眠

望湖樓上偶傾觴冒雨重登選佛場
願得一年春事好
折花來奠水仙王

東生齋集卷四
四
霜松雪竹影參差，隔歲枯荷尚滿池。
一塔春陰半宵雨，漲痕先入白公祠。

歲朝纔過別鄉關，且覓湖頭一日閒。
應被在家兒女笑，傳柑元夜不曾還。

元夕借何徵君琪華司馬瑞潢吳祭酒錫麒項州倅壻
汪上舍淮戴比部敦元何文學元錫望湖樓小集

望湖樓上坐暝色，亂縱橫鳥眩燈球影。
魚驚爆竹聲水雲歸畫舫，火樹隔山城。
七客延回去，余仍盪槳行。

今歲孫上舍振學九十，趙兵備翼八十，吳上舍騏七十，
其弟上舍彪五十，趙司馬懷玉六十，汪上舍燾吳大
令階並五十，將以二月二日合宴于更生齋，并招將

及八十之孫封翁勳楊刺史奮吳封翁端舞劉總戎
烜將及七十之陳大令寶金太守榮將及六十之楊
兵備煒方大令寶昌同集十四客合計千年亦里中
盛事也率賦此章并邀座客同作

社公生日茅筵開相約北巷南鄰來大年期頤次亦叟
一一同傾社公酒更願人同社公壽孫翁九十兩頰紅
八十趙叟顏如童吳家兄弟誰能及弟已五旬兄七十
街西短趙風格妍六十與我相隨肩辛夷花開玉梅放
坐上高年氣仍壯永嘉柑子支硎梅螺蛤昨又來東臺
更生齋接卷施閣一石飲完愁不足金楊兩守楊蠻州
入坐如虎元戎劉誰復善嘯誰工愁

孫吳兩
封翁

主人六一

翁後身今歲適開六一樽坐上客壽剛千春一堂英英
皆壽考九老外仍餘五老此會羣仙亦應少春燈初然
春燕來明日主客帆皆開吳大令及余皆以明日東裝更約明歲傾
春醕君不見社公生日耆英會此會年年願長在社公
醺醺亦微醉屋外春燈響如沸

泊舟餘杭訪張大令吉安

江漲橋邊路官塘卅里斜縣憑山作障人以水爲家晝
靜喧鳴蛤城空鬥乳鴉欲尋賢宰話剛值午時衙

張大令畱飲衙齋并觀社火

欲向名山信宿回賓筵先爲散人開何應琴窟棲遲地
忽見魚龍曼衍來蹤跡敢尋忘世侶艱難今見濟时才

聯吟讀罷增惆悵

時閏大令在京邸時與張侍御問陶聯吟卷子

手寫新詩寄

栢臺

雙谿鎮道中

出郭三十里桑柘多於苗豈惟民俗淳塵土亦不髴側
聞蠶繭荒絲價日已高秋禾亦半收哀鴻尙嗷嗷民力
匪不勤奈此生齒饒一戶加十丁粟米亦易消殷勤望
豐年先祝風雨調籃輿及黃湖陰晴判崇朝

自黃湖渡大谿入徑山

徑山何綿延雙澗渡超忽驚波濺車帷水際出復沒行
完桑柘徑對面一峯笑青看匝眉宇寒已沁肌骨寥寥
疎梅花霜霰尙零屑僧房空翠裏鐘響已清徹遠徑尙

百盤奔流更層折三千樓閣虛荒龕且依佛

天然菴

且倩閒僧爲煮茶朝饑我自飯胡麻挂枝鵲瞰孤行客
逆水魚吞乍落花人與野雲同去住山浮初日最清華
居然古寺藏巖腹千尺琅玕路幾叉

徑山道中雜詩

危厓絕巘路鈎連楚竹扶人欲上天莫笑滄溟一杯水
蓬萊山頂亦桑田

夾道松篁路更微遙天空翠拍人衣山禽夢破客仍睡
十里野梅香四飛

東坡居士題詩後一一公然入畫圖大好山川畱副本

餘杭赤壁頽西湖

梅谷菴有小赤壁

松源梅谷道微通舊夢如塵掃欲空
畱得長明燈一盞三千樓閣劫灰中

徑山憇半山亭復五里至山頂

初日欲下山幽篁欲升嶺籃輿千百折
送客入智井危亭亘半山五里及峯頂
憊從思後却老衲復前請鳥道既已微
猿聲若相警疲蹤暫思憇悍石齊欲挺
石火敲地爐風泉瀾山茗蹤迷前代古
候覺蚤春永冥濛開絕巘厯落門奇景
俯視天目山天風振衣領

自興聖寺至松源久憇

橫松既已完直栢忽截路排空三百本
一向天拄甯

惟柏猗猗棲柏鶴亦怒峯奇雲欲鬥谷秀嶺仍妒澗斷
忽合流途岐復分布青纏猿狖迹紅集禽鳥唳霜霰色
淺深樓臺影交互高低皆聳榦向背乏雜樹空青迷去
目曠黑怵回步却望凌霄峯冥濛障空霧

徑山回復浴南湖至洞霄宮

洞霄宮闕凌霄峯面面盡與三霄通黃冠緇衲各有界
道釋分占山當中茫茫地肺連天目復有湖腰瀉山腹
閒尋道士光庭記名冠洞天三十六錢唐江底地脈連
水外時復飛雲煙仙人棋局偶亦有種杏種橘都成田
洞中有洞誰能識地底華陽天厯厯金堂玉室客不歸
或者人間尙遷謫丹爐細火搖春風發燄竟比桃花紅

青童五百遞相守跨雀時到浮邱公浮生住世甯多日
龍亦三番蛻皮骨丹砂黃獨我不餐肯學頑仙久偷活
入九鎖山望天柱峯

蒼蒼九層山百步卽一鑰每于山折處石勢益刻削飛
泉四邊注時復跨畧約傑閣旣上騫回峯乃前卻干花
超屋放一隼出林掠陰霞漸已消陽曦始於爍天南惟
一柱地脈覺微弱滄溟復奔瀉日夜嚙山腳感此東逝
波滔滔我何著浮生慙志父祈死感叔媿放艇明日歸
空留後來約

入大滌洞半里許觀宋人題名

洞上承九霄洞下蟠九州豈惟雲霞濃亦滙江海流我

來大滌山耽此洞壑幽玲瓏萬竅中石頂平四周懸空
三折虛直下半里修暗響來不窮靈蹤去難按惟巢古
仙人百怪罔敢投竅仄天路通潭虛地輪浮忽覺萬古
奇集此盈寸眸金堂杳難攀石墨偶亦留何嘗滌塵凡
酌此雲半甌

洞霄宮謁蘇文忠李忠定公祠

兵燹銷殘竹柏林無塵遺跡偶披尋石泉榆火春來咏
玉宇瓊樓醉後吟再造乾坤原有力罷閒宮觀究何心
二賢一體同樽俎蘇李河梁此嗣音

爲張大令題所撫唐韓幹畫駟馬

人杖指多識馬枝蹄多力枝蹄枝指都不凡人亦豈駕

馬脫銜我友張亥白張柳門

元本存柳門處此軸係亥白所撫贈大令者 詩

塘大令稱族昆分撫一匹韓幹馬疑元疑宋疑唐人君
不見騏驎駒騏驎識者寡我憶投荒跨天馬烏孫之北大
宛東寥廓萬里生長風

二十日同人爲白文公生日設祀因小集湖上作

凍蔬初花草未茵奠公剛及二分春文名偶並元才子
詩諫吾欽白舍人大厯體裁輸後輩永貞朝事感孤臣

到今誰續循良蹟湖上驚飛清淺塵

時白堤外湖水半淤急須疏濬

自烏鎮迂道五里訪鮑處士廷博賦贈

草堂若水上五里不愁迂充屋

賜書富開厨粒米

虛乍痊拋藥裹奇窘蓄鈔胥軻輻他年傳應同孟子居

子部偏同史編排二十三

時知不足齋叢書

已刑至二十三集榻前無客

到

君已

久病

窗外有雞談處士元仍素諸生青出藍以君方

孝緒前詰定蒙慙

回舟至支硎山訪寒石僧并聞鄧尉花事正盛喜而有

作

臨安花乍落鄧尉正花開氣候江南晚遊人湖上回世
情參老衲心事證孤梅復有支硎約相將坐石臺

自天平後山度嶺至蓮華洞

已遵千峯頭峯頂石復立排空諸幻相作勢與雲及山
雲驚客到倏爾巖竇入東風吹未徧臘雪徑猶濕枯僧
行谷底時有墮薪拾嶺半一樹梅高枝野禽集坐久甫

下山亭亭日如笠

中白雲寺久懃

行徑一葉舟風勢忽回旋吹客入一莽巖雲正凌亂聞

聲人不見招手雲外喚僧枯同植木削立巖石畔爲言

遊客少經日斷煙爨朝飢殊可忍振筆學蟲篆

僧出峯善書

一牖闕向南臨池目仍眩呼童烹山茶風爐竹中爇

峯頂

一石名
一葉舟

見山樓小集共得杭字韻

不斷茅菴內生香與妙香滿簷舒凍萼一架蒸都梁雨

滴前宵綠花餘隔歲黃

時黃梅尚開

無嫌香味少春酒餉餘

杭

探梅先至香雪海待同人久不至

春光艷艷春花放香氣熏人百千丈花光作雪雪作雲
一片冥濛盪波上十分花事今八分春曉尙少看花人
年年花放客先到花下已有春人墳千花作街隨花轉
人欲上山花不管花梢望客客未來十里延回花路遠

鄧尉看梅雜詩

廿三宵漏正迢迢捲幕清光入砌坳要與高人助高格

四更山月颺花梢

萬株綠萼間青松小白長紅復數重攜得筇鞋才破曙
雲光濃遜露光濃

湖外冥濛曉色開萬花深處暫徘徊何愁花底眠難醒

天半松濤刮夢來

東西南北影交加
花裏驚看路幾叉
紅蕖積冠剛一寸
明朝都放帽檐花

疎林黃葉路漫漫
歷盡湖頭磴百盤
除却溪梅與山鵲
無人知道早春寒

東西二十幾坡陀
補種桑麻補插禾
近歲土人種桑者
多故花事稍殺
明歲來遊要三月
采桑人比看花多

鄧尉看梅歌偕鈕山人樹玉徐明經雲路孫上舍

董博士國華戴上舍延祜僧寒石同賦共得潭字韻

看花不到東西潭
潭東潭西
花事最盛
無異半道先停驂
驚魚澗

古近亦燼鱗翼何地容驕
慙我於天地亦一物
半世容

我留書函神仙之字已三食羽化早異蠹與蟬周行海
宇亦幾徧甯止岱華兼嶠嶠看花奇福更難及歲歲我
住支硎菴看花始放及初盛佛與同坐僧同龕有時靜
領花氣息研北不住居花南衰年豈復有他嗜積此花
癖因成貪花前酌酒酒始酣俊味往往承分甘餘杭新
筍洞庭橘西蠶蓴菜東臺蚶三更酒倦畏酒渴已剖三
百閩中柑支硎光福及元墓十年花路我始諳花前曲
折浸湖水花外歷落浮晴嵐東西何止作花海此地近
亦饒桑蠶重來更約月二三天作卯色湖拖藍桃花李
花蕊已舍新柳拂水行甦甦龍孫滿篋魚滿籃世外復
覓高人談君不見春愁我已不敢擔看花人老花先慙

題支硎山袁氏園亭

一谷雲一樓月一塢梅花一溪雪洞天福地客始歸暖
翠晴嵐往多日

回里後卷施閣看梅作

西崦梅開已後時故鄉仍比崦中遲萬花堆裏歸來日
才見墻頭一兩枝

二月初四日將解維楊兵備燁復約至城北歷遊放生

池及水雲菴至日暝乃返

座中客爲趙司馬昆仲
楊秀才謹吉汪上舍壽

河于暫歇上河船城北猶留半日緣交舊五人青鬢改

軒窗三面紫雲穿狂攜筆硯題凡鳥

是日就近訪友人
不值因命奴子輩

至城頭放紙鳶老逐兒童放紙鳶尙有玉梅迎客語欲從此地

證空禪

自北樓至南樓道中

谿山新雨後風物最清華行過數條巷時浮一樹花水
邊樓百尺竹外徑三义節候今年早春人已采茶

寒食花下獨酌

是處風風雨雨滿城燕燕鶯鶯昨夜今宵來夕花朝寒
食清明

依舊敬亭山色夜深來映書幃我憶青蓮居士青蓮又
憶元暉

古艷詞

郎憐心妾憐織花連晨月連夕顏如芝蘭口如杜薄媚

未完仍薄怒

歡欲來紅墻隱黃梅歡欲去青天飛墨雨西廊斜日東
廊月百計問歡何處匿

清明日同人登城望宛谿鼇峯并至南樓作

清明前日是花朝一萬人家折柳條從此東風已無力
落殘文杏落天桃

濛濛新綠膩城墻城裏花紅城外黃不斷菜花三四里
菜花完處接斜陽

高低人柳鬥腰身百尺樓前絕點塵一半柳絲牽客住
又分一半逐春人

寒食年年罷出遊藤蕪綠已上墻頭何妨花裏扃門住

紫燕春人共一樓

同人登賓月閣小集

四檐插入景德寺一桁正對麻姑山眼前俗客不到處

天上月華來欵關沿梯斷續馭青薜隔巷曲折排紅闌

酒人春半忽惆悵兩樹白玉花初殘

時玉蘭花甫謝

張秀才垣以其祖司馬汝霖西阪草堂集屬題時余適

承修府志欲從草堂假書遂并及之

我從南樓回不向北樓走閒從阪東頭歷及阪西口阪

西草堂高接天萬卷圖書四圍柳四圍楊柳花千株主

人樓頭方著書主人兄弟今碩儒

司馬令嗣為侍講 燾徵君炯

弟客

燕趙兄姑蘇一樓書已傳三世鰲嶺復從樓上時開門

觴客客不辭客識主人前代事國師既爾求方言太常

亦復借說文况我曾及成都門

余爲侍講門下門生

不爲侯芭定

劉棻一甌來借同討論欲訪載籍求根源庶幾鄭小同
不愧康成孫庶幾戴延君不愧博士昆緡書手冷酒急
温一花前頭酒一尊君不見樓頭萬卷樓下人牙籤玉
軸烘曉暎我書在腹亦可捫此客借書君莫嗔

上巳前一日載酒從宛溪舟行登響山久憇

南樓望茲山近若嵌眉睫及繞宛水行谿紆徑難涉清
川流如油赤壁立若儼沿波施輕篙到岸振響屨居然
升雲頭偶亦陷石脅攀松爭步迅舉酒門拳捷關心舊
猿雀過眼驚蛺蝶如何半春樹尙墮隔年葉南瞻浩無

際北望阻城堞十里菜甲花新黃與天貼

十一日泊舟沙棠灣行五里至敬亭山久憇翠雲菴作
泊舟沙棠灣五里臻曲屈一坡方透迤面復一坡突懸
藤巖豸溢出罅砌蟲活嫩紫跳澗垂輕黃冒波鬱人疲
來殿朶鳥倦啼木末語默甫歷時陰晴變殊忽東軒猛
飛雨西隴已斜日駒隙影乍舒仍遭電光奪瞻西岡忽
破蹶北路如截稜稜萬檐瓦雉堞若居穴一晌西北風
遙驚塔鈴掣

敬亭道中

穠已抽針麥乍茁花枝全脫草心香紫藤故挽遊山屐
紅袖偏登選佛場六代山川餘浩渺七賢祠廟太荒涼

憑闌弔古情何限坐看平岡下牧羊

七賢祠題壁

俗士不讀書前賢亦移代勳階仍不識云以代官位緬憶李仲都于焉發深慨

七賢祠粟主書謝朓爲晉人其他官位外錯者不一而足用以

志

三月十五日凌教授延堪約同人南樓小集酒半率賦

卽贈江上舍藩

半春花事已闌珊且向高齋款客關一晌乍青原上雨
萬堆濃綠座中山愁邊宛水偏迢遞世外閒人偶往還
醉倚闌干望東海賊氛何日淨臺灣

時聞江浙官兵至臺灣會勦洋匪蔡

率

十六日集賓月閣餞江上舍藩

賓月樓頭月是賓主人除我恐無人貧交又放邢江棹

小住同垂宛水綸紅豆一株傳絕學

君爲惠紅豆再傳弟子

黃花

十里颺殘春著書匡阜他年約瀑布香爐共此身

雨中入南湖口

一萬頃湖來枕上兩三點雨落牀頭捷帆險擘鷺肩過
空翠欲從鴉背收人與魚龍爭定界我同天地恍浮漚
著書匝月低眉坐且借舟行豁遠眸

夜宿南湖起眺殘月

漏盡曾無戍鼓敲濛濛月黑雨瀟瀟殘更一鳥獨啼樹
新漲萬魚爭出橋客夢似煙篷底散神燈作炬浪中飄

南江舊迹沉埋甚欲勸方書燭已銷

南湖道中雜詩

尙留幾日好春光出郭登舟攬勝忙敢與衰翁鬢爭白
荼蘼輕薄柳花狂

暫把篷窗一扇開山山色併飛來團團湖水明如玉

却與麻姑作鏡臺

湖與麻姑
山咫尺

并州快翦亦徒勞嫩綠何須翦于拋只要一雙梁上燕
翦他三萬頃湖梢

沿堤松竹影濛濛過盡千重復萬重一色乾坤作新綠
山光微淡水光濃

挂帆剛欲趁清晨一葉驚飛草上塵只有鷺絲心地險

挾波來嚇盪舟人

殘春猶剩一分寒
湖雨湖風景色酸
正是把書新睡起
一峯晴翠落眉端

縱有防兵演水師
黃池未是古黃池
何應草木形如門
絕似黃池爭長時

疎籬茅屋幾人家
屋上齊攤穀雨茶
貪采半畦新豆莢
攔門牛噉紫藤花

昨傳

昨傳節使跨青驄
幾日星馳浙水東
預遣偏師平速僕
正欣小麥熟空同
連山社合防沙仔

仔閩音
譌作子

入峽舟須

泊海翁畢竟

聖朝威德遠半春先已息颶風

呂大令榮以二詩見寄率占一首答之

我從瀚海穿沙海君罷樅陽客廣陽

君前宰胡城以母夫人憂離任貧不

獲歸今尙留滯宣太間

試問耿恭馳異域何如朱邑宦桐鄉外家

三徑全應圯老屋雙橋半亦荒

余與君皆將氏甥又同居中河橋側委巷中

自笑暮年仍遠客賣文纔了著書忙

四月初二日將赴琴溪以急雨復回先柬琴溪諸友

欄干千尺雨仍復閉門居擾擾風生翼洶洶地出魚漏

仍聽四下功不廢三餘只惜琴谿上諸君望眼虛

馮州倅日恒築數楹山半其前卽龍山萬頃竹也余故

以綠天名之并係以詩

白馬迎人出樹巔

未至縣界馬君已跨馬來迎

不知家在夕陽邊四

山入夢都紅雨一閣爲君署綠天竹舫偶開人外境

鞋我亦地行仙坐憑百尺闌干好花與諸郎並及肩

自龍山口放槎入琴溪五里至巖籠洞作

碧鷄驚客夢

崑山有昇鳥土人名爲碧雞常往來龍山及巖籠洞間

夢落雲頭重

浮槎五里訪碧雞胡蝶先已成團飛春溪水滿浮鷗鷺

綠竹裊裊巢鳧鷺山光壓竹竹壓谿軟翠十里何低迷

竹梢沉沉忽疑夜一晌天青山罇嵐光何止衫袖濃

坐久須眉綠都借僧雛三兩挽客槎手汲谿水烹谿茶

屋外尙有殘春花下波如風上波逆却好雨槎浮入客

逆浪一灘高一尺雲頭喚客客不聞客正鼓浪來雲根

雲腳開處排清檣洞橋十二何周匝馬之險從人頂踏
放槎跨馬趁晚風馬上夢落琴溪東

琴溪道中

忽與忽馬忽乘槎十里驚看路百丈鷓鴣夢邊偷過客
鷺絲肩上悄飛花浮生偶入仙人港小坐閒烹衲子茶
綠酒滿前慵不飲修真都欲飯胡麻

巖壩洞久憩

非沙非石非黃埃百萬石卵融胚胎鴻濛土與劫後灰
媧手一一親搏來空穹服翼倚作隈陷處卽係蛟龍堆
陰厓仙果仍纍纍枇杷橘柚桃李梅小如鷺粟大芋魁
楫拙欲把山柴煨古洞天黑如煤良尋幽復恐去不回

白晝誰把泉扃我謂洞天福地徧九垓獨此幽隱遭
疑猜有潭如釜水若杯裹以太古之莓苔神仙避劫人
避灾天網到此誠恢恢重扃時響九地雷細路畧可通
蓬萊如山有塿土有坏獨此可以藏三才君不見洵洵
隆隆地欲推混混混沌沌天之厓形骸土木任衆哈七竅
慎勿爲君開

抵涇川作

涇川風物水西東萬樹桃花入夢中却笑謫仙來較晚
滿川桃實已全紅

桑柘陰中拓八窗危亭三面水淙淙夢從西海歸東海
閒向南江憶北江

宜城主簿郭蘭芬岐山人也自言其鄉新修五丈原諸
葛忠武祠乞爲一詩余因憶乙巳年春曾親謁祠下
今忽忽二十餘年矣感賦一篇卽示郭君

五丈原高氣杳冥三分國勢費調停地形縱復輸中夏
天象居然見大星丙魏尙慙眞宰相孫曹同媿小朝廷
茫茫川阜仍如昔渭水蒼涼太乙青

翟孝子詩

翟孝子名彩令涇縣水東人早失母獨與父居父龔
且痼疾孝子乞食以養間亦賣菜以資生計父膳必
竭力備甘脆而自啖糠覈乞食餘一錢二錢亦必以
呈父父則緘置筐中父以壽卒啟篋則積錢已三十

餘貫孝子居父喪曲盡哀禮免喪遂卒

賣菜傭迺能孝士大夫皆不能到一錢二錢乞得來父
以緘笥牀頭堆三十餘貫何纍纍翟孝子名彩令父
乃亾斯正命桃花潭上桃花墩桃花都繞孝子墳我詩
不娶作冀以扶人倫

國典他日仍旌門

友人屬題燕子牋樂府

一曲新詞勝秣陵

吳祭酒偉業有秣陵秋樂府

朱絲闌子寫吳綾

阮鐵以吳綾界朱絲闌寫自
所爲燕子箋曲本進呈

何應王謝堂前燕亦與人閒

管廢典

千年往事尙回頭粉子先蒙伯起羞一樣被他輕薄累

好將遺恨訴東流

飯後讀書作

架有圖書廩有糧
算年偏覺校讐忙
學知不足心知足
此是先生却老方

積雨乍霽

天半雲頭落人間
雨腳收浴梯一條
薜綠已上危樓

詠史

百歲知無幾
千回碧月圓
夜遊如秉燭
先入辟疆園
元子雖英物
甯如買德郎
何應八州督
祇易一羝羊
陶潛與張翰
分候詠黃花
倘斫鱸魚膾
先尋賣酒家
一呼一息間
天已行數度
地輪日月輪
皆在空中駐

龍戰苦不息釣鼇東海濱丈夫伸脚睡天上動星辰
樸學兼詞章宏農美無度注罷山海經仍能作江賦
十五日同人遊水西久憇煙雨亭

涇溪接賞溪天水雲外綠挈得幕山僧來尋賞溪曲

河學士新安守

謂壬辰夏借朱學士
鈞江太守柯始遊此

三十年前一杯酒

言尋舊路忽已迷惟有溪煙向東走山僧纔打日昃鐘
星點已出涇川東半山斜陽半山晦月上琴高鯉魚背
湖山謁桓簡公祠并留飲祠側

劉刁周戴禍隨身死國誰如桓茂倫兩地煙雲埋骨久

宣城涇縣
皆有公墓

此間邱壑賞心真酒徒脫畧偏容我山色嶽

崙解笑人猶有舊交君憶否西風先起庾公塵

十六日沈二尹

國祥

招同人水心亭讌集卽席奉賦

正月已醺湖心亭水心此亭今復到一春日日苦著書

一日得閒先醉倒主人喜值休文雅衆客須防孟威虢

黃鸝聲脆知迎客白鷺足拳能引道已欣翠嶽十日晴

復有紅霞半天冒笙簧合遣官蛙代更漏仍憑夜烏報

閒時聊可盍朋簪豐歲不須憂早潦耆英未集容箕踞

觴政旣嚴難鼓諫何因咄嗟便布席或者牲牢先祀竈

辛盤果敵葺桂辣丙穴魚須藻芹芼銜杯欲使魴鯉覷

剩肉預防鷹隼盜甄長伯倒半夜屣孟萬年吹九日帽

隨波欲逐浮家陸結棧思追盪舟界于廷尉醉仍蘊藉

盞司隸醒偏兀傲朱虛便爾用軍法徐邈先爲製各號

城山軍勢已北，鬼背水陣形先植。蘇餘歡向欲催射覆，
 湖典更能接僻典。齋期誰有怨周卿，闔政何須晒陳慥。
 回波栳栳裴嘲李，揮塵車轅謔譎導觴多。欲逼小戶遁，
 瓶罄私聞失奴告。主須戒鄧客，戒陽周坐客乘醉欲開
以闢政相嘲。解合名郡鼎，名部最難北海樽。常滿後日
故戲及之。趙司趙司。從此南州酒全耗，扃門明日復著書。好學
謝紹祖復約于此小集。

應師武公堯

十九日向人遊幕山，井久憇圓通菴作。菴外卽驛道

已覺詩情逗郭東，石橋三里路斜通。兩山四面裏濃綠

一巷六時飛軟紅，古殿神光何閃爍。小窗竹影自盪瓏

閉門坐臥煙霞內，轉使雛僧畫筆工。僧非台能畫

考坑長春寺僧嚴石自繪嚴關古寺圖嚴題

長春寺有干竿竹日判三竿飽饑腹山僧煮筍雲上頭
雲采一一驚分流怒龍總向檐前挂玩久山僧亦正盡
忽然邀我吟巖關餉我一幅門前山君不見牽船住岸
原非計竟欲家從畫中寄惟嫌雲破屋欲飛爲我屋外
添魚磯

遊城南道士湖

道士湖頭路冥濛百頃田赤浮原上日青織水西煙地

勢疑回踵

湖形與山陰
回踵湖同

樓形晒及肩

趙氏築樓湖上高
不出屋無由眺遠

地商量早秋飲來及采新蓮

與章徵君天育約
新秋當攜酒飲此

二十日早發吳家灣

臥聞人語出蓬蒿三百人家住水坳
鴻鵠鷺鷥絲飛不斷
日華濃處麴煙高

贈馬文學春田卽柬姚比部廌

疊嶂樓前識面時擁書千卷出偏遲
言皆有物曾耽易
旁若無人祇諷詩幾縷鬢絲江水濯
一生心事皖公知
何時又放秦淮棹我欲因君寄所思

更生齋詩續集卷四終

曾孫用勳校字

更生齋詩續集卷五

陽湖洪亮吉著

武彝九曲集

五月一日過高淳郭外

一帶垂楊起爨煙門前湖水浩無邊
烏衣燕築三層壘紅蓼花成十頃田
高下僅留栽黍地陰晴多分熟梅天
江鄉自古無城郭矮屋頽垣總及肩

送徐明經稜奉 救歸沐陽君爲友人所累謫役常州

我慚北海孫賓石君是南州徐季登禮士世雖無仲舉
埋名客已返長陵關心尙計中原菽去歲淮徐海水災近聞流移者始返
快意時呼大澤鷹各有報

恩心迹在

君亦以 誠等得先歸

恩赦 請纓無路氣飛騰

金忠節公聲畫像爲其六世族孫太守榮賦

早歲讀公文中年讀公傳公才公志皆不凡欲以書生
平世亂君不見熊廷弼趙光抃孫承宗袁崇煥或死讓
或死戰餘者紛紛盡奔竄有明之季不乏才用才皆與
才相違小朝枉有史關部末路獨支劉念臺烏乎勝國
諸君子先後爭爲故君死迂疎不必爲公諱百世知公
苦心耳君不見揚家四十萬衆侵興京一戰皆已埋郊
坵何況枯僧將此不習兵七百羸卒欲與萬衆爭輸贏
盧溝橋外偏師出腹背交攻勢先屈韜鈴旣愧劉秉忠
車戰欲追房次律魯陽事去難揮戈國事如此身如何

杜松已殞薩爾許劉秩豈當曳落河諒公之心敬公節
畫像猶疑眼流血舊友池州吳應箕門生歙縣江天一
我于公行文已卜公爲人豈徒文筆雄未愧社稷臣君
不見三天子障招公魂松花茫茫落落鬼門鬼門關在績
溪界卽公起

五日調蔣表兄馨

五月五日谿水濱獨攜濁膠來欸賓長貧不復計子母
薄醉亦時稱主臣青霜早墮鬢邊影白骨更憶樓頭人
繁華夢向北窗覺錦簾玉櫳餘隻身君遣妾後婦亦
旋入遂爾獨居

雲溪競渡詞八首

自初五日至十五

蔣家南岸趙家西兩岸人家屋角齊身退却嫌忙未了

一年五度醉雲溪

斗米依然三百錢
路人兀自說豐年
衰翁尙記初生日

曰屋家家飯海鮮

石首魚一名飯魚

四百絃揮落照中
三千紈扇門玲瓏
團團明月團團鏡
不放雲溪燭影紅

北岸三楊兩已亡

楊進士倫孝廉印曾兵備燁少時齊名今惟兵備在耳

就中我

最憶癯黃

景仁劉駿

錢羹沈元裕

都零落誰共溪頭五

日觴

幾日黃梅雨乍晴
管絃聲已溢江城
憑誰可洗箏琵琶
來聽連村打麥聲

欲醉蜀中紅芍藥

時有餉四川紅酒者

須尋光福紫楊梅
老夫不

是思家室却爲銀鱗特地回

燭龍纜去水龍還

元夕龍燈五日龍舟皆里中盛事

稅額仍分許野關

舊例一競渡許領許

怪底水鄉龍出沒六龍城接九龍

山

像龍顏色被篙工斷髮文身俗尙同一樣水嬉君莫晒

戈船昨已下閩中

時正用師臺灣

智鵲行

里儒張某所居破屋三間值大風雨禽蟲皆飛噪入室室人訝異出屋覘之而室已頽矣蓋禽蟲先知預以告故得免也爲賦此篇

巢禽依巢穴蟲依穴人有室家亦念家室風飄飄墮鵲

巢雨浙浙濕蟲穴禽聲嘒嘒蟲響切夜半飛鳴入君室
與君妻孥一何暝三間老屋夜忽頽月午竈上穿驚雷
厨荒無糧突無炭君與禽蟲皆在難屋之成毀蓋有時
微蟲不知鵲已知救此覆壓甯非奇君不見人智莫如
儒禽智莫如鵲歲歲營巢免繒繳班鳩鵲鳩來就學里
云班鳩教鵲鳴言二
鳥之拙也鵲則不然

義牛行

客爲言涪安王某娶妻未期而王卒婦獨居守節惟
畜一牛鄰少年有欲犯之者入門爲牛觸而死婦遂
得免爲賦此篇

節婦某居溪頭身以外惟一牛婦獨居畏強暴飼牛精

勤兮牛亦思報東鄰少年兮來何爲雨急如注兮乘人
危人欺心牛怒目左足入門兮牛已觸人刃牛背兮牛
觸人腹回腸墮地兮血漉漉婦持火喊室中北巷南舍
來洶洶腹雖穿目仍轉口陳供狀兮云死已緩傳者日
以多觀者日以稠競以絳帛纏牛頭人雖無良牛則義
牛甫長鳴人絕氣君不見我旌牛義懲無良兼表婦節
扶綱常夫王婦姓已莫詳史傳列女兮毋或忘

讀史記四首

居奇貨

善釣奇釣一時陶朱猗頓富不貲不知善釣奇亦可釣
萬祀生兒已作秦始皇一世二世至萬世又不見奇貨

居奇禍來遷蜀萬口何纍纍富欲貧何可得不如周赧
王避債臺中作安宅

千童縣

避秦人居桃源不若求仙徐福住海船童男女一千生
息何緜縣桃源無名茲有姓童女童男亦何幸居船居
島樂有餘島上至今皆姓徐桃源中不知漢海外亦先
忘理亂有時苗裔來中原各以東溟作鄉貫君不見勃
海郡千童縣

長平坑

新安卒二十萬長平卒四十萬當時民少兵何多有田
不耕皆荷戈爰除冊萬二十萬人踵仍接肩仍摩千年

坑谷無生氣鬼亦多于螻與蟻君不見殺降人百劫罪
不除法網有時漏天遣雷霆誅又不見城狐殲野牛死
背署殺降人白起

稷下生

淹中稷下稱好儒平原信陵稱好客好儒好客費不貲
畢竟十中無一得君不見三千賓客誰有名毛公薛公
亥與贏平原十九人皆拙脫穎纔看一人出齊宣王好
儒書淹中稷下招世儒談天雕龍占齊稷孟子去齊宿
于晝大儒不重重小儒霸業所以先銷除楚蘭陵令亦
走死黃歇舊稱能好士

讀田疇傳

燕齊奇士只田疇一劍先輕萬戶侯
邴管作龍猶是可就中我欲斫龍頭

憶芮山寒碧潭

一世眠難起幽人已入山
趁猿趨木杪先鳥叩禪關
不分寒潭碧猶留夕照殷
案頭詩百首勤爲老僧刪

題楊布衣浦山水長幅

月采不可畫畫之著軒楹團團清光中
幾點白露零夜色不可描描之在林亭
沉沉景色中燿以長短檠樹頭
幾日南風重微覺連林北枝動雲黃
霧白暗一窗窗外
流水聲淙淙枯槩幾著山坳內
坐船人數輩陰雲
忽結西北峯下有蟄虎眠方濃

六月六日胡孝廉世琦招同人賓月閣小集

一樓當暑坐三面受風多水火樽前鬥

時城南失火因急雨乃滅

雷

霆檻下過雨沈棲鶴影涼展候蟲歌夜漏歸何晚平橋
起斷波

初九日大雨雷電作

四檐皆瀑布一港已驚濤映隙光先暗持編手尙牢影
仍依病燕響似轉靈鼇稍霽登城望三田禾黍高

時正望雨

久居

久居忘却有居停風竹疎疎戶暗扃正覺夢中炎景赤
不知門外雨絲青少年偶借書爲枕老圃都依樹作聽
從此夜遊休秉燭闌干處處有流螢

呈張侍講燾

余房師王觀察奉會侍講所取士也

功業無成但狡警好奇還許事冥按欲披北宋三千卷

北宋三大書各一千卷侍講皆有精本時余欲先借御覽校勘

會上南州百尺樓遠跡

記曾來海島

侍講主講前歲爲海上遊會訪之不值

舊遊仍喜說瀛洲投

荒萬里公應惜兩世門生總白頭

余與房師並曾遣戍伊犁髮皆從戍所白

贈市隱

茅檐時復捲飛埃人海偏容天下材鬻幘市邊仍岸幘

銜杯座上忽揮杯千年涇渭胸中別萬仞峯巒足底開

猶有未忘恩怨處酒酣吟上越王臺

魯太守銓新修北樓招同人宴集其上卽席賦此

何止元暉去不還謫仙人亦杳難攀尙留六代吟詩屋

盡攬三州入畫山駒隙影中喬木古馬蹄聲外夕陽閒
誰憐四十年前客五度來遊鬢已斑

十二伎同人步月至南樓薄醉乃返

炎威何時平涼意已集木言從半圭月徑度破岡腹時
有草上螢飛來閃人目

南樓何迢迢拔地三十丈檐形欲飛出幸此堞爲障突
窾忽有光神龕月初上

市脯何其多待酒及良久狂言忽然默飲已不離口何
事玉與犀碧筒杯在手

東西隔五里一月始一來來遊匪偶然值此蓮蕊開三
更客言旋花朵先裴回

避暑

避暑知何地西郊五里塘野鷗衝面過芳草及肩長谷
暗緘朝雨池寬熨夕陽柳絲知客意先送一分涼

憇城北道院

及此精廬好環堂竹柏青圓光綻神座方響出山肩煮
茗風盈砌焚香月半亭清虛無箇事閒與寫黃庭

待月行

花上月花下人殘漏盡皆橫陳明朝月與人花下後先
歇君不見看花翁已六十一難待廿三終夜月

采蓮行

荷花紅荷榦綠蓮子爲心藕爲足六月食蓮子七月尋

藕根荷花已無多，荷葉空當門。
風朝朝，雨夜夜，何止好花顏色。
謝采蓮人亦嫁。

破曙郊行見禾黍甚茂喜而有作

匝月不出門，門外集秋氣。
甯惟草森森，新竹亦如臂。
延回上山麓，雲已出波際。
禾黍十里長，清光照天地。
高原人跡少，時復有飛騎。
折罷紅藕花，殷勤欲誰寄。

聞李大令德愴乞假遊敬亭山率柬二首

暫停手版謁官衙，忽漫看山拄笏斜。
十月稻田剛望澤，晚涼應有雨隨車。

僧忙一日掃禪關，官却來偷半日閒。
君距謫仙人幾代，此回方謁謝家山。

十八日魯太守銓招同張侍講燾何教授佳致北樓小
集至月上乃返

墻頭千頃雲墻外十分月危樓百尺高壓檐和月和雲
光不別主人開樽古柏前雲與明月來窺筵元暉去後
謫仙續勝會距此剛千年翰林仙人七十六百罰深杯
嫌不足魚頭參政今領州逸興亦與雲俱流何家詩句
傳人口東閣梅花北樓酒今人何必遜古人肩拍洪厓
亦非偶人生百歲苦不閒莫放醒眼看青山一杯揖元
暉一杯酌太白山鳥怪人狂似昔君不見我歌欲使太
白聽樓上正落長庚星

半月臺久坐

景德寺前塔頂同樓砌平露浮千嶂顯月單萬屏明天
路眉端出人煙跨下生客談應已倦啼鳥上山城

酬胡吉士承珙二首并柬孝廉世琦

難醒半月臺前酒擬泛三天洞口舟

時胡舍人岱雲約于七夕後共遊三

洞天佳節定教尋宿約故人何不共清遊才名合占東西

廨

時與猶子孝廉同住景德寺東西房

詩句分題南北樓騎馬未須商去

住已涼時序暫勾留

偶然三客萃賓筵二十科聯五十年

時招張侍講燾與君小集侍講以辛

已進士癸未入翰林距君已二十科余亦已入科矣

海嶽話來都似夢

時與侍講話黃海白

嶽舊遊

蓬瀛謫後敢稱仙餅慙洛下紅綾軟膾到琴溪赤

鯉鮮寄語阿咸勤檢點莫教臣叔著鞭先

有俗僧欲修禪史書此嘲之

兩度相逢白髮添欲修禪史靜垂簾何妨癡與貪嗔合
肯信才同學識兼方寸地須尋樸實十分功已托華嚴
闍黎未會枯僧旨頻向團焦問米鹽
得孫大星衍書却寄

半世相知爾最深話來出處互相箴官疲絕似風前鐸
身退應同爨後琴一輩漫誇頭腹尾百年無幾去來今
浮生齒髮終須朽要使心交識此心

山城晚眺

性僻時從物外行一旬幾日上山城雲煙到地倏無影
日月破空疑有聲濃綠水光全著色微紅花朵半難名

鄰翁四十先扶杖私羨吾僮腰腳輕

廿一日張侍講壽招飲雪樓卽席賦呈

賓月閣
名雪樓

百尺闌干眼界寬雪樓雖上不知寒追涼意欲尋鄰叟

謂詹明
經景春

冒暑行真笑宰官

前一日本約陳大令
受培今聞已赴皖矣

三郡地

從雲外展一房山待月中看主人奇石都應拜好飭奚
奴爲整冠

商量

商量誰可避炎威八角蒲葵手自揮長日乍支尼父枕
小園偏下董生帷饑鳥不食綠中飽病燕無巢欲大歸
正是小窗殘夢醒柳絲影裏下斜暉

寄方上舍正樹江甯

十年蹤跡歎飄蓬，長日都拋短夢中。
白下製衣天水碧，嵩高煨芋地爐紅。
殷勤每與談遺事，矍鑠誰能及此翁。
莫向越來溪上望，故家樓閣起悲風。

詩畢尚書
靈巖山館

立秋日作

伏暑初平後，秋花欲放初。
尤憐景光駛，莫放酒杯疎。
蟹黃堪啜，園瓜綠欲鋤。
攤書一揚，推先自笑拘墟。

二十五日晚大風雨至五鼓方止時山田望澤甚切喜而有作

疎窗三面卷簾鉤，夜氣全昏百尺樓。
鐵馬有聲殘暑退，銀河無影曉星浮。
已驚十里菰蒲戰，佇見千村穉穉收。
只我年年逐征雁，徂南仍爲稻梁謀。

涼夜久坐

宵涼樂靜便坐久不知還夜氣全沉月秋聲半接天露
明螢火外蛩響曙雞前却憶桃笙好更殘着意眠

六月晦日胡孝廉世琦招飲雪樓率賦一篇并呈吉士
承琪舍人岱雲

十二一樓風二十一樓月今來風月無一絲祇有秋蟬
噪檐隙研經纔了卽出遊一月三度登茲樓高齋對面
尙如昔謝李一去空千秋元暉手植今蒼老我覺風光
後來好六代煙雲六代松閒中向客仍環繞我欲暗摘
樓頭星復恐太白眞星精化爲奇石坐中落光采尙壓
青山青君家伯仲今無輩只我題篇已才退三更醉向

竹屋眠夢裏一樓風月在

讀亡友張編修惠言所輯虞氏易追悼一首

五代虞翻易三傳杜甫詩世非無識者君殆欲兼之病
馬行唼日蒼蠅作弔時醉歌聊代簡慰爾九泉思

出宣城縣東門

百步牛亭一寬于半畝宮雨零山柿翠雲染木棉紅夙
約欣朝霽高年話歲豐鷺絲拳一足引客過橋東

仙姑塘道中

池荷葉瘦芋葉肥各灑清露沾人衣秋聲南來一何遽
蓮子纔餐仍食芋今年蹲鴟大若鳧藕臂亦與腰爭粗
籃輿行抵東河口且食田家瓦盆酒村村打稻村村歌

豐歲之樂何其多

發孫家埠

宛轉溪橋曲折過避人鷹隼捷如梭半程路盡穿禾黍

一縣山皆染黛螺無事偶繙談鬼錄時攜唐人說部書有時頻

聽養神歌千林麻穗千林竹不信蟬聲此地多

日昃抵三天洞久憇

一石裂一穴一穴戴一天方行九地中忽喜瞻三天一

竇出一泉一泉飛百道同行飛瀑中疑泛滄海棹天光

暗處泉光青大聲如鐘出不停天眼下視蒼龍驚玲瓏

萬竅排山麓石小猶寬百間屋日月燭中回地軸投奇

五客入洞門衣綠盡染莓苔痕天總若曙無朝昏我欲

觀龍窺海眼人說近來龍亦懶行雨半途先欲返君不見龍能行雨客咒風敬亭山客稽亭龍風雨既歇雲濛濛夜半對臥空山中

三天寺曉起

東雲入西山夜半忽平閣一鳥啼禪關濛濛衆星落披衣侵曉露徙倚竹中籜清氣壓帽檐微嫌袂衣薄沿岡生細草芒屨不能拓坐久樵響繁飛泉注空谷

稽亭嶺早度

秋雨洗山骨獨來辰已間松濤無時停捲上稽亭山初日出谷中幸有松竹攔一綫衣上來微驗苔蘚斑南江亦微茫斜向嶺北環天際估客舟驚帆出層瀾高下十

里餘飛鳥去不還客倦枕石眠秋聲憂前灘

初六日晚歸登風箏閣

鈎月仍難上瓜期又已來風箏樓上望雲露一徘徊

詠三天洞蝙蝠

千年服翼是耶非已著仙人五色衣敢向蟄龍頭上住
時時還拂領珠飛

酸風習習翅團團未耐炎蒸却耐寒欲採雷塘螢十斛
供他仙鼠月中餐

爲莊表姪秦望題酒乞圖

多君只以麴爲天屢向長安市上眠乞得人間酒泉郡
飲完弱水看祁連

合掌牢盆百萬財何須冷炙與殘杯多應欲學韓熙載
乞食歌姬院裏來

過村塾

短垣三面出書聲對擁皋比午睡成夢起偶然談往事
張夫子問褚先生

丹溪大石聯句

用巧字全韻

大石在涇縣溪頭都峯禪院外卽胡氏書塾也七
月廿五日與施上舍晉偕遊黃山胡吉士承珙暨小
阮孝廉世琦等共迎館于此廿六日阻雨爰憩石旁
約爲聯句共得二十韻

奔流披山胷突石劃地爪拏雲聲攘攘

亮吉

出水勢稍

稍眠真牯羊獐

金匱施晉

伏訝褐兔狡赴泉赤驥渴

胡承珙

吞犢斑虎飽陽冰銛如鋒

涇胡世琦

陰泐柔過

鞞圓排鑑開匣

涇胡世琦

側簇杯合筭堅非芋堪煮

亮

吉

皺類粟初燭縱橫竟當此

晉

屈強誰敢拗胸穿島夷

病

承珙

頸縮共子絞蕤肝同衛演

世琦

刖足等齊鮑裂

理驚橫庚

岱雲

浮光欲纏卯輕勻天機梭

亮吉

嚴整斗

車搔東西崢岱華

晉

三五法參昴天造良亦奇

承珙地

形攢實巧居然狀侷儻

世琦

從不勢屈撓峯飛詫天竺

岱雲

石遁笑蠻獠

黔中有石能遁

梵宇鎮不浮

亮吉

鮫宮靜誰

擾碎句碎珠玉

晉

參差亂芹苳側足渡橫行

承珙

險步

著柔撓休歌雨無極

世琦

會待月出佼

亮吉

十三日施上舍晉借學廨招飲酒後因步月上南城悠

然亭久憩

匝月不出遊蓬蒿高及我一葉一草蛩迎人鳴道左斜
行三百步已復上城堞炎接西巘霞涼吹北林果迢迢
山萬仞化作雲數朶秋到曾幾時泠泠露如顆孤亭流
月采苔滑渺難坐歸路直宛溪沿流數漁火

廿一日章徵君天有招飲池上以碧筒杯飲酒致醉率

賦

蓮葉影婆娑殘蟾已點波酒傾千日釀杯借半池荷涼
露洒肩早清香入肺多山公已沉醉甯問夜如何

將詣黃山半道留呂州倅厚新宅

各占溪山勝同營棣萼樓酒驚來百里

先十日購山餅陰酒以待

已說中秋世事拋雲外天都出嶺頭曙雞啼亦緩勸客

夢句留

重過洋川書院感舊

誰從月午樓頭望我向雲生閣外行急雨乍醒欹枕夢

長風猶遞讀書聲攜筇百里身遺健刻楮三年學已成

謂及門譚秀才正治

主欲迂賓僮未識擔夫爭道入山磴

道逢擔夫與輿

夫爭道偶詢之即秀才從遊所攜食具

棕山久憩碧琅玕山館示及門芮生枏

一石欲迎客一石忽拒人回頭石兩三豹伏虎又蹲凝

此霜霰姿皺入雲水痕空中經危橋削處立仄門回廳

生陰厓儼若集百神生翠不可收散入袂與巾東西判
涼炎向背分晨昏驚看天半雲一一吐石根纔經棕山
西急雨先翻盆

黃山道中觸黑行五里居人有貽松明者行半里雨急
復滅頗甚危險至人定後方抵湯口

曛黑行五里土人貽松明松明行雨中火滅不更明濛
濛萬株煙身覺一葉輕偏于顛危中撲面虎氣腥夜行
以手前手拒足始迎危途一綫蟠急溜復不停雨久徹
骨涼幸此轉心清下山秋葵花扶我行伶行

浴硃砂泉

閒尋硃砂泉遂就紫雲宿我抱三春心來嘗九秋浴空

明心一寸藉，此勺水沃心。清泉亦澹至，味飲難足泉靈。
知客意，貢此六時煥。我亦鑑水心，瀕行手頻掬。勞生居
世內，久已忘盥沐。瞑坐歷片時，心光湛明燭。

夜起望天都峯

疾雷捲石走半里，激電閃水飛長空。四山草木盡風偃，
壁立不動天都峯。洪厓仙客浮邱公，十年三謁青芙蓉。
方平學道有真訣，羝臥不叱疑癡龍。明星玉女開房櫺，
面面總與三霄通。我疑日月宿山腹，夜半光采成青紅。
朱砂泉亦鬥奇燄，支枕聊臥溫湯中。天雞叫後日將出，
宿霧盡捲茅蓬東。

紫雲菴阻雨

天上雲如塞人間雨不晴濕龍時瞰客妖鳥亦留行衲
解安心法松吟出世聲似傾東海水濤與枕頭平

雨兩日兩夕不止復成長句

蓮峯生雲雲對面一白接天天不見三更盡處地軸回
頭上隱隱天關開白光初銷黑光入萬樹恍零殘墨汁
前山後山悄無色灰死不然仍復濕虛堂一燈綠不開
餐飯無異餐煤食珊瑚虎魄盞皆暗奇采不射流霞杯
疾風吹破遊神廟愚公移山風伯效涼蟬抵死不一鳴
雨急微聞砌蟲叫豨山歛山百里間一萬煙井門常關
海東何時金鑑還畧遺晴翠升眉巒

茅蓬送及門譚茂才正治歸里

雨挈尋山屐

王戊秋亦同至此

同眠聽雨篷故書攜孔鮒

時欲箋小

爾雅從余質疑

新漲起巖龍地主情何挈天都興轉慵來朝登

鵲嶺雲外望遊蹤

哭王司寇昶

傳世心期累病魔一編金石尙摩挲

君病中刊金石萃編未就釣鱸

江上休居早下馬林邊枉拜多

君著錄弟子最盛

挂劍久愆良

友諾斷碑誰爲謫官磨

前訪君病中蒙以志墓文見委并口占相贈云一語望君須記

取好爲有道撰新碑然君子恐未知也

年來老輩銷沉盡獨向西風感逝

波

胡孝廉世琦約同遊武夷半道以婦病欲遣歸遂改遊

齊雲以了尋山之約書此爲別并以寄嘲

幔亭同約謁仙人白嶽今看訪隱淪
良友馬蹄篇自好
病妻鹿脯帖偏新
風雲徑路通霄漢
兒女情懷損性真
我向武夷君一笑
琴高跨鯉入紅塵

浴朱砂泉逢石門道士口占贈之

丹竈雖支雪鬢橫
淮南雞犬亦難成
年來畧悟平心法
臥看浮雲滅復生

夜起作

山雨浮十級盡沒九級草
人同巢禽蹲一一髮蓬葆
呼雞糧亦罄客忍快鼃飽
團中蔬盡割原上粟亦少惡雲
沈全山風力刮杉倒夜半客盡呼
牀頭注流潦

偶成

耳所不會聽天傾地坼聲聞總若不聞聲響或暫停目
所不及觀疾雷破山勢見與不見同雷霆亦思避耳目
之用將毋同不以外入搖其中精神雖生心若死至人
處世亦如此

山雲

但見雲入山不見雲出嶺多謝山雲心留人住智井

八月初一日雨中作

一層檐漏一層澗更有一層懸瀑來三處響聲都到枕
半宵孤客暫登臺下方晴訝上方雨東嶺雲穿西嶺雷
正欲挾雲飛不透樹頭老雀亦徘徊

雜詩十首

潛虬黠然眠志乃在霄漢仙禽摧羽翮夢已入天半居
卑志偏亢精意與天貫不逐燕雀羣惟供世人玩

澗松鬱千尺不及卑嶺高托身崇厓間頽視雪與濤始
知處塵寰惟在見地超但能凌清虛無須察纖毫

厚地不自潤其高仰穹蒼何況萬類繁一一資雨暘一
物不得澤立見枯且僵我感高厚恩中夜興傍徨不然
枕戈鋌尙在西海傍

平生耽遊山晝夜皆不捨藉此日月鏡無燈先就舍既
無風雨患又不若暮夜昨者涉急湍流從領邊卸人急
問無恙我自攜不借

巍樓何迢迢霜氣入簾重怪此樓上人猶能結春夢寒

梅雖已盡顏色一何凍錦幕十二重重朔風動齋厨
亦何遠急雨走街衢三日不下梯哀梨作清供

後堂羅歌姬前館排狎客尸居餘氣多尙爾極聲色甯
知松栢下螻蟻待人食一朝精魄散狐兔據高宅故鬼
亦不靈墳纏棘三尺

耽奇旣遊山嗜古復搜逸蠟屐蝨簡中臣精已銷歇尤
欣茲二者差足慰日夕榮枯旣無涉又復寘得失宵深
時乞火光景透空隙居然菰蘆中宵宵有明月

年與年乘除日與日更替丈夫生世上當與世人異倘
抱萬古心惟爲百年計旣辜師友望亦恐負天地我行
勤撰述甯僅子孫昇冀逢深識者一一分利弊此外何

所留仍餘浩然氣

一心何其長或恐年壽短庶幾日月星鑒我此誠歎微
誠倘難達瞑目亦思展端居思殆庶拯世意微管不寐
時起行明星牖中轉

枕山卽食山枕河卽飲河造物于世人資給亦已多尙
苦不足供多方事投羅寧知冥冥中天眼捷若梭昨日
梓澤園今作薤里歌樂盛哀卽來至理無偏頗

初三日新霽自茅蓬至湯口道中作

空山雨後絕纖塵金粟花開玉蘂新一路水晶簾百幅
捲來都爲謫仙人

五采霞紋雜雨絲秋晴莫謂出山遲長橋水綠都如玉

照影空明立少時

登水池邊霧氣纏虛廊陰火亦能然宦遊最憶經行處
秋雨華清第二泉

歷盡川程客未知籃輿睡美不題詩溪魚正上山蔬嫩
一路香生飯熟時

宿休寧縣潭口

茅蓬及潭口不及一程宿我愛松竹梢臨流半間屋露
葵方可摘香稻正欣熟鄰翁意良厚餉我濁醪濁我僕
尙未來斜陽下山麓

黟縣率山道中

我行萬級升雲梯百折峻嶺千盤溪溪山清峭有如此

漢志尙號南蠻夷四邊山罩青天外此是丹陽最南界
扁舟西下卽豫章九派江聲日澎湃蠻中自古人居少
或者蛟螭占成島炊煙旣密蠻瘴稀綽楔並參天漢表
尋幽正值秋成候穰秬千塍與山湊籃輿眠美過數村
時有笙歌出雲岫

浮梁船

一船如梭篙屈曲兩頭纖纖戛寒玉一灘初完一灘續
船心稍隆頭尾低頭尾却與波心齊船背拍拍顛鷓飛
空灘百步卽一折水面白雲開數尺逆浪錦鱗能逐客
水程自祁門至浮梁道中

川程日落更悠悠無數潛鱗出浪遊石齒水中排萬萬

商量都欲嚙船頭

石屋中間路渺茫小樓當面水風涼紅窗六扇夜齊啟
消受隔坡金粟香

頻將濃露洗煙嵐波影真如鏡影涵剛欲卸帆風又順
水程西北復東南

紅蓼花疎接渚蓮船如駿馬競先鞭村村雞犬雲中住
却笑劉安枉學僊

曉過景德鎮

千舫集一堤臥聞人語亂初日尙未升窰煙黑天半
土人頻開山沙石墜波上十里清淺流沙從船背響

後遊仙詩

金闕時時響玉珂太虛清議近來苛神仙一例頭都白
爲比人間事更多

浮虛南去好棲真海水微茫隔世塵半嶺丹砂明似火
雀巢都寓古仙人

半空玉佩響玲瓏五百仙人結束同羅襪盡裁新月樣
玉虛高處步天風

下界仙從上界翔年來天闕費平章玉龍行雨多時嬾
好勅麻姑鞭背忙

天曹百事更辛勤日日呼龍種白雲不願上蒼時雨粟
却教黔首懶耕耘

閒扉開處傍天河織錦機邊晨夕過時有嫩涼生足底

濛濛下界雨聲多

一道飛流出谷粗
手忙時弄玉
蟾蜍到來始覺
名心盡
洞府清閑不著書

隔却齊州九點煙
醒時濶步倦時眠
近來語默尤無定
杜口能經五百年

一畫真如百劫長
時時臥起歷虛廊
星巖月壑蕭閒甚
砌下偷眠小鳳凰

種得昆侖玉一畦
製碑高與九霄齊
人閒天上清才少
視草新徵李玉谿

斷菴無力已沉山
員嶠方壺杳渺間
欲遣龍宮運神力
一鰕皆戴一山還

吳剛修月歲時深桂殿依然榦四侵枉有故人天上住
姮娥消息轉沉沉

十一日蚤泊黃邱埠

小雨黃邱埠微茫波面寬紫旌收較晚白露記初寒歸
燕穿帆席驚魚立釣竿上饒江路永三折到餘干

貴谿過明夏襄愍故居

弋陽溪水繞郊墟二百年前舊相居議禮朝中歐永叔
傷心身後賈公間九邊軍事謀非左三受降城續總虛
公以青詞致端揆不冠香葉計眞疎

弋陽谿上見雁

秋雁已來春燕去新知雖密故交疎溪山一帶清如許

正好新晴月上初

楊家渡

雨雨風風暮復朝
番湖南去水程遙
山陰酒熟眠難醒
夢過楊家渡口橋

過貴溪縣城

貴溪城外石石盡如拳
一一波心出離離
篙眼穿水光秋入定
火色夜同然

石色皆赤而有光

只覺沙流駛
星馳下

灑船

圭峯山

太華三峯外
茲峯亦削成
空青無霧障
奇秀與雲爭
直柏當曾出
初陽貼掌生
此江清到底
照影亦分明

舟抵弋陽縣

我行溯饒江已抵弋陽縣北風忽然峭逆浪轉排岸茲
方饒紫石睥睨色如綉臨水三百家平鋪夕陽半波清
眞見底潛鯉欲何竄俗近喜曼聲弋陽腔已亂隱隱出
郭歌舟行及津館

鉛山縣橋亭遙禮武夷山作

乍離三江津已抵八閩界懷玉山半泉驚飛落天外甯
惟白雲白山碧亦如帶一一雲際峯妙涵秋雨態湍涼
聳清聽障薄響虛籟行人遲未至翻羨飛鳥快欲禮武
夷君橋亭先望拜

十四日雨王大令泉之留宿鉛山試院

二千里外聽秋雨九曲溪邊夢月華何意故人期再爽
復驚過嶺路三义銀河頓改宵中色金粟先舒天半花
聞道信河河勢險欲從博望借浮槎

時約望江倪進士
模中秋日在武夷

待相

中秋日雨留鉛山

半世尋山約今偏小滯留欲看晴九曲忽得雨中秋月
采虛雲外天光礙嶺頭仙人懲後至不復肯同遊

是夕王大令招集衙齋卽席賦贈

看山千里不知疲未信人間有路岐賢宰乍留官舫宿
仙人恐後幔亭期月當圓夜開文譙天放晴光接武夷
知我欲從南向望晚霞五色已分披

中秋夜三鼓雨止月出喜而有作

纖纖雨止一更二更雲白天微青團團明月三更生世
間事盡非非想梁月影中檐漏響主人開筵客懷爽月
與酒杯都在掌仙人此時會慢亭雲鶴總向空中停劍
佩往往衡明星騎驢詞客走欲僵策蹇不及龍鸞翔後
至乃復同汪芒更殘雨復來漏盡月仍出此時高樓尚
吹笛西月初斜上東日

十六日早從雨中東裝出城南門

佳節偏難自在眠東裝都在曙光前乍醒乍醉中年酒
時雨時晴寒露天百里程途殊顯晦一川簫鼓散雲煙
閩南氣候真難定月正齊眉霧壓肩

度紫溪嶺

雨中已過三條峽畫裏仍看四出山
一朵嶺雲含蜃氣
隨風應自海雲還

十七日宿車盤雨復不止至夜半甫有月

南軒初明北軒暗雨月僅從軒脊判須臾雨止月復明
風脚已吹檐漏斷琅玕萬箇綠已濃況有黛色參諸峯
星光閃白月閃綠不雨先覺青濛濛禽聲破曙啼甯隙
一隊翎毛總殊色秋涼客夢亦易成就枕大石聽灘聲
度分水嶺

名山剛擬事幽尋日日愁霖苦滯淫楚國地從今日盡

詹家天自上旬陰

土俗以八月初入至二十日爲詹家天云晴日常少鯨鯢險破

重溟浪鷗鷺深知大造心託處既高寒轉驟靜聽分水
戛鳴琴

自路口塘至羊腸望武夷支山作

青天展筮簞直下垂山椒人行枕簞中登降不覺勞晴
雲卷還舒一幅蛟容綃山山成旋螺轉轉同剝蕉天思
見靈奇先須削皮毛瓏玲萬株松一一森霜臺甯惟雨
露殊亦覺霞采饒良田多于基土潤已不焦東西百里
中來往肩背交茶筍挾兩箱土人以擔茶筍爲業多至塞道捷過獫與
猱灘聲無時停半作飛雨飄天青露峯尖雪白封林梢
乃知正面山看仍待來朝

崇安縣屏南橋正望武夷

千峯盡南披突有數峯峙初陽天半出五色露華漬高
黏蘿薜影恍建赤白幟稜稜齊振翮一一思出世又疑
古畸人天外舉頭勢遂令雲影疾儼若電光掣鴉背落
磬聲心知定誰寺仙漿時或滴靈藥誰所時茲城閩越
界分野斗牛次龍煙開萬井鳥道分四至丹梯九千仞
合建祝融冶峩峩武夷君不敢學平視

自崇安城外至九曲溪道中作

朝朝霧色宵宵雨剛到崇安縣裡晴誰似四明狂客好
仙都許棹酒船行

紅闌二十五長橋無數仙雲水上飄溪上小樓眠乍起
分明殘夢挂松梢

屏南橋外水光肥、苔綠都成五采衣。一榦一枝橫十畝，
不教翠羽得斜飛。

亂雲深處嶺重重，知到仙山第幾峯。落日松花黃似雨，
雀巢糧已穀三冬。

連旬屋漏響如濤，澗水平添一尺高。五色石中魚比目，
羅溪秋綠不勝篙。

嶺路千重樵徑稀，峯峯皆中釣魚磯。白鷗夢亦尋難到，
何怪從無鷓鴣飛。

閩南文采固無雙，劈嶺皆堪作石幢。我欲磨崖勒名姓，
却驚飛瀑打船窗。

巖扃三面嶺縱橫，入郭煙嵐倏變更。一片黛光浮睥睨，

崇安城是薜蘿城

三神山上久盤桓雅識瓊樓玉宇寒
植物較多生物少
松杉鳴總學龍鸞

飛流落處接雲生此是仙人十二城
臥對一峯看月落
木樨香冷浸桃笙

松古時時學折釵陰森雲氣亦難排
奚童不識靈奇蹟
祇覺巖東老虎厓

沿溪一棹古香濃夢冷神恬睡轉慵
夜半清光徹天地
馮夷宮接廣寒宮

露白如珠夜有光疎林隨處靜生香
舵樓合暑秋花屋
插徧深黃與淺黃

掉頭來復掉頭還魚鳥都無此客閒却趁幾宵圓月好
推篷徹夜看仙山

水綠如油染不成初更明月鏡中生宵涼幸泊金雞社
好聽更殘報曉聲

危厓仙果樹頭嘗瀑布頻添飛雨涼我意欲留旬日住
出山流水一何忙

武夷山謁沖祐觀兼望武夷諸峯

雙樟森天竽獨桂墮月斧仙人五畝宮破碎竟難補藤
蘿纏笏冕蛇兔穴柱礎星官雖擁盾雨立亦殊苦擡頭
峯何奇窻突具廊廡形仍留渾沌質不厭推魯前蹲不
能却仰亢安肯俯凹疑夏金鼎突訝周石鼓凡茲巖與

壑物物留太古厓形開裂處黏以一寸土排空走風雷
境異絕豺虎摩挲尋斷碣裂石僅三五仙居真太息所
列祇環堵暝坐圯閣旁古香生洞府

入第一曲宿水光厓望天樞玉女諸峯

枕席遊名山持篙勝攜屐隨雲泛靈宇飛隼亦難及丹
黃衝目過黝黑挾脰入玲瓏穿胷奇曲折扼吭急微涼
風霰重薄暝怪靈集神嫌峯黯淡援訝徑生澀陰陽一
磨盪天地此呼吸杳然波三重綠若衣百褶探厓雀方
哺俯壑魚可拾危菴臨萬仞空處立千級荒荒百重莽
積此太古濕枯僧前已遁疑有怪龍蟄稍西峯愈峭目
力轉不給偉哉九曲谿奇險斷難十

舟行第二曲望虹橋板厓

橫木支作橋直木立作屋仙人苦多事占此作盤谷時
攜忘世侶或亦棲眷屬圓開雙月牖境仿兩天目東西
缺盈丈直下卽潭腹仙人能飛行尙亦支獨木又聞恒
榦摧藉此裁作櫝古無不死人其理已可燭仍爲身後
計習恐染時俗天風一吹盪香氣尙芳馥人生駒隙影
百歲期苦促能謀千日醉無待一棺東大笑欲絕纓舟

行第三曲

舟經釣魚臺并度溪望仙人橋諸勝

半石上接天半石下壓溪棱棱一石中向背分東西瀉
濛未開前誰已兆殺機至今空山中早復安漁磯潛鱗

逆波來不敢浮漣漪危厓復重重鷹隼亦怯飛扁舟偶
然經頗亦怵路岐側聞賢聖心歷險貴不迷奔車少墨
胎墮壑無宜尼又知明哲懷濟世夙所期一物不得安
周旋每樓樓閩南實巖疆民力又已疲何因障海氣竟
與赤岸齊芟除本不難乃致戮久稽誰攜百尺竿釣盡
鯨與鯢

接筍厓以索斷不得上僅尋仙人掌雲寮泉諸勝而返
鐵索斷難續石門扃不開日月愁熾熾到此馭欲回壁
立萬仞強滑不生莓苔足底蟠九淵眉端挂三台高堪
鎮全閩重亦壓八垓我行歷震區此足稱奇核亭午亦
日中色暗仍如晝得非太古時疑此歷劫灰媧皇不能

鍊委棄遂成堆終憐石千尋不置土一坏山僧欲結茅
心怯絕壑雷仙掌一畝平鋪此星纍纍庶幾夜半時或
有光景來

自六曲溪上嶺五里至天遊菴

對面卽天心菴

一石削作壁其高侵雲頭峯峯盡停雲獨此雲不留飛
鳥貼尚難何況麋鹿儔藤蘿善攀援至此伎亦休憑茲
作石城大可轄數州鋤雲種茶槍間亦開田疇三霄雨
露饒一歲可倍收旁行歷百盤方得升嶺頭居然三六
峯收此盈寸眸山人飯胡麻見客語不酬得路松竹中
一閣雲際浮房廊通星辰好景無不按默然坐移時吾
眞與天遊

自金雞嶺入桃源洞

一石作一山石大愁累砢惟茲洞中石一一劃然破金
雞迂人入翠羽留客坐一谷數石支琅玕植千個重重
巖岫複誓不入塵埃厓頭飛瀑重石勢亦顛簸仙人遊
戲慣偶或來數个何曾避秦客于此洞中臥山深人迹
罕近亦設巡邏人心漸澆漓藉險避茶課仙局一以豁
靈樹亦遭剝坐令三道士顏色盡寒餓我欲塞洞門橫
排石如磨

九曲溪盡已抵星村偶登木架橋望迤西諸嶺

一縣所產茶皆

叢集于此以是川湖
江浙人無所不有

采茶十萬人擔茶十萬夫卽此茗
馱微先已繁入徒藉

此肩背勞庶幾育妻孥土人頗急公稅總先時輸崇安
大安關一須合符川湖陝廣人日日塞道途遐方集
幽涼近郡趨杭蘇云皆集茲村賃屋常不敷又聞一山
茶足抵一縣租人皆競錐刀利在害卽儲山空人事多
夜半猶傳呼微明涉溪橋長嶺環若鄧惟設九曲溪至
此流已粗舉杯別幔亭村酒仍須酌

回舟自第一曲沿嶺至止止菴復古菴紫雲洞久坐大

王峯下

一峯雖欲頽七竅仍未鑿鴻濛元氣在妙在不塗聖縱
然工草創中已具耶壑天風一吹盪響若撼虛橐抑從
開闢始勢積已欲落雖無靈物住幸有怪藤縛積氣頂

上生全闕掌中拓陰晴此分界雷雨藉旁礪精藍嵌其
下頭仰手難摸巖寒樵跡斷幸此時隕穉艱危營略約
層累措高閣平生好奇性至此亦錯愕殘蟾猶未出零
霰已飛薄終夜坐柁樓齋心契冥漠

廿一夜五鼓乘月登盤珠岩厯落石精舍天心菴迷路
久之甫得登舟

明月不在峽明月不在溪茫茫月半圭惟照天中梯我
行仲秋杪涼露又已淒高低磴百層咽露蟲亦稀浮空
嶺盤盤直上無端倪遵厓眺東南嶺峻月轉低四山何
輝煌五色霞采披因茲玉蟾蜍曜作金狻猊中途出山
房磊石石愈奇枯僧知姓名乞我留篇題倚檻花疎疎

堆盤果離離手指天心菴云在疊嶺西幽與月窟通高
訝天遊齊去去勿復嗟世坦無路岐尋蹊路已又涉壑
境始迷

磊石精舍貽永清上人

我乘殘月到盤珠磊石山房玉不如却有永公能愛客
堆盤奇果出僧厨

滿廊修竹滿廊風八月花開龍爪紅怪底梵聲清徹漢
一雙元鶴化青童

採茶歌

採茶人多建昌三月花時來木落還故鄉一年八月山
中住多買山園種茶樹茶寮要比僧寮多與作江西採

茶戶蠻童更較蠻女強堆髻兩兩茶花黃天然一樣好
顏色真味入葉花無香房廊處處青煙鎖雨後焙茶須
細火川湖陝廣客已齊範錫似銀將茗裹籠茶何止達
八方衣被已到西南羌龍媒合隊易鳳餅到口一滴如
瓊漿茶經此日須重續顧渚松蘿味都薄只惜仙人頂
上頭千層鐵索皆傾落

茶以武夷峯頂者爲上今索斷不能復采

我來偶到

生公房幾葉却許清晨嘗沉泥陽羨甕景德飲罷兩腋
生清涼乞作采茶歌采茶人並在盤盤九曲溪歲歲三
時采君不見秋茶採後採春茶三月韶光豔如海
九曲溪放歌

昨訪匡廬君偶然攜五老香爐峯前雙白龍光到九天

仍裊裊今尋武夷君隨意遊九曲溪流一曲改一色九
曲溪完建溪續東南奇秀甲此州太白恨不同來遊遂
令頑仙占此作洞府桂榦作屋沉香舟散人來遊仙亦
走空挂雲蘿洞口我知歲月本無常爾竟欲與乾坤
爭不朽日攜仙人筇夜宿仙人舟羅山浮山仙蝶已迎
客勸我何不便道遊羅浮從此凌三山從此跨十洲快
意便與天公遊不知瓊樓玉宇我亦住十載荒飲謫佃
星宿海昆侖仙子亦不留荷戟歸來顏鬢改誠不如溪
一曲酒一杯酒盡卽擲黃金罍水底灑灑龍宮開濯足
便已升雲雷幔亭仙人留客不能住鼓棹仍尋富春渚
錢塘潮已不及期歸路却喜霜螿肥

自崇安溪至建陽

百里溪程水沸湯兩邊山色送人忙
遊仙夢覺桃笙暖已報飛帆到建陽

題建陽北郭閩王廟

祀王審知兄弟

不階尺土便稱孤早日先分刺史符
難弟尙堪嗤趙宋生兒原未愧孫吳
光黃家世基王蹟閩越山川展霸圖
酌爾一杯天半酒挂帆明日下西湖

廿五日宿麻沙塘

橋亦長三里驚流險拍天欲遲殘夜月
稍怯瘴溪煙鷺鴨居樓上蠨蛸落枕邊
五峯山外瀑擾客不成眠
題崔三景侃折枝畫扇

濛濛只隔小窗紗，相約秋中待月華。
忽詠異香生扇底，頓教胡蝶憶春花。

鳳爪花頰鴨脚黃，動人秋豔不生香。
朝霞一片清華影，尙認紅顏未退房。

過邵武府

東南如掌出平原，百轉千回石築垣。
山水清巖浮去艦，

雲煙明滅挂飛猿。

西南有飛猿嶺

儒流解撰孫公疏。

孟子正義乃邵武士

人假撰託名孫爽

理學仍分建水源，却隔武夷三百里。
土風猶

習種茶園。

萬年橋

建州郭外水迢迢，奇石嶒嶸東澗腰。
正好夢中行數里，

初陽紅上萬年橋

續遊仙詩

憶送青禽西去遲
淡雲涼月羽參差
白榆茂盡栽紅豆
天上思君十二時

上清何意蹈危機
百尺新栽蟠螭梯
纔覺半身雲外現
却驚頭上響天雞

遊戲三霄覽十洲
自來蹤跡好居樓
化人忽憶前身事
淚入天河清淺流

一幅迴文五采舒
青鸞銜到墮階除
散仙不識蟲魚篆
翻訝元經是謗書

衣袂都將淡色裁
揮殘清淚化瓊瑰
玲瓏千尺飛廊好

曾有仙人割襪來

雲中秋夢欲分飛
馬首清寒逼翠微
仙蛻偶然思羽化
烏君山上假烏衣

天衢三萬六千賒
來往真憑電作車
要與下方通曉夢
閒扉開處月西斜

偶逢風露亦悲秋
仙藥難靈病未瘳
親向三霄問無恙
月眉露髻不勝愁

路徑生疎杳不逢
祇聞玉佩響玲瓏
最憐夢亦無尋處
雲氣千重露百重

記向雲窗共劈箋
行行瑣事說生前
天門小別休惆悵
後會依然五百年

仙語親傳萼綠華欲從秋杪放春花何如隨我天河去
八月同浮博浪槎

上方花鳥自天成臥榻閒隨斗柄橫慧業盡銷塵劫斷
獨留一閣號無生

初三日謝大令壇具行榼招遊烏君山是日適值余初
度率賦一篇

竹綠如莎草似茵溪流曲曲不迷津快攜謝客登山屐
更假淵明漉酒巾園叟偶然周甲子湘纍猶是憶庚寅
二千里外三重嶺誰識先生自壽辰

烏君山道中

嵐有烏君約先攜紅友來水村時墜果山鳥看銜杯夢

影圓如月溪聲轉若雷遙知小兒女花裏綺筵開

連歲此日

兒子輩皆插菊
百瓶爲余開齋

抵烏君山

晴紅冒諸峯碎綠展十里幽人喜尋幽先鳥著衣起宿
雲蒙郭外一綫路初啟村村秔稻熟童叟輟然喜涉澗
水嚙衣穿林蘚黏履丹霞生氣表紅葉墮林裏靈奇具
指顧雲霧倏移徙九疊屏縱張千盤磴先圯中途看濕
布甕石聊作几漠漠四山香濛濛生袖底

未抵山半急雨止茅蓬

雲方從郭回雨忽自天下深山松竹暗正晝忽疑夜茶
菴僅容膝正嵌北山罅衫裳先已透襪被暫思仰幸逢

農事隙于此話閒暇欣茲嘉穀稔兼詢苦茶價登嶺雲
苦濃茅檐雨如瀉攜尊聊自壽淺坐瓜蔓架尤驚山外
日晴景相激射何應主者吝無復羽衣借流潦行半程
幽巖稅塵駕

光澤縣東四十里宿枕溪閣

離程卅里水沄沄尙帶衙齋宿酒醺願化水鄉雲一朶
夢隨新月到烏君

山縣應知近海場吳鹽顛顛出新霜欲烹邵武溪頭鯉
先試崇安郭外薑

初七日早渡雲際嶺

百折千回路不同猿梯鳥道總斜通添衣尙怯三霄露

落帽先經九日風次第嶺生炎瘴末東南家在海雲中
危途幸有停驂處竹樹蕭蕭半畝宮

度雲礫嶺卽抵江西界光澤送人欲回復寄謝大令

篇

武夷仙人住雲頂邀客來看半秋景我泛晴溪九曲舟
尋幽直到烏君嶺烏君嶺遍杉關昨却有仙人宰山縣
城郭千家翠月飛樓臺五色秋雲綉日日尋山問水忙
攤書仍復向閒坊三條巷作娜環曲百尺橋如蝶竦長
謝家初度崔除夕初三日值余初度大令爲余置酒令
妹吳安人余戚屬也亦出爲壽因憶
乙卯冬余使節自黔中回在姻家荊州太守署過小除
崔恭人亦借哲兄聚東魯思約余作消寒第五會崔吳
並能詩不兩地親情欸遊屐各有閒庭咏絮人中郎阿
戎乃兄

大欣俱集愧我

復荷鋤半生先已雪盈梳何應西

海歸魂久尙認南溟訪舊初

鉛山澄波橋作

風酸雨薄恨難禁腸斷秋棠傍砌陰同是九秋籬落景
瓜黃花豔不傷心

九日在河口阻雨寄王大令泉之

難題九日糕尙說中秋餅

光澤令贈餅一箭至此方食竟

漠漠坐蕭齋

思君隔重嶺

上饒道中

過盡紅闌紫石橋信河新漲綠迢迢沿林柿橘浮波鯉
一路看山到上饒

玉山擔

心欲不平走井陘欲心平玉山道向常山行長途百里
平如砥初日浮紅擔夫起中央白石黝紫英石卵如玉
光晶瑩來東去西路皆讓閉目如行石牀上擔夫生長
山縣旁生世不識離家鄉朝看山雲暮看月往返不曾
差暑刻西江上饒東富陽山水窟裏雲飛揚攤書一卷
眠還讀已報中途飯先熟君不見行人喜說上玉京只
恐天路無茲平

江山船

江山船船九姓世作婚姻無別訂江山船左右蠡作腮
持篙之妹皆一雙江山船兩邊柱人數不論論鋪數一

鋪一人隨意住蘭谿西郭榻廬東水綠總照山花紅沉
沉夜漏時開燕蠶窗中蟾魄見蕭郎老去不傷春窺
髻不須仍覲面鄰船簫鼓何盈盈我心轉比嚴陵清孃
持篙妹持花行客逢窗自高臥君不見鏡雲一朵忽飛
來只認散花天女過

蕭山轎

蕭山轎如東濕兩頭纖纖中窘急西與渡口通錢唐百
里喚作輿夫場潮來潮去皆不避履水眞如履平地有
時路盡轉欲前飛步直欲行青天蕭山輿夫世應寡負
重如牛迅如馬趁得輿錢僅盈把半程輿忽肩頭卸更
向石牌高處架輿夫蹠實客踏空欲下不下心沖沖六

橋花柳原無數日走西湖如不覩天閑十二驂騑驕誰
識道上與夫勞請因馬力借人力厚給蕭山轎夫直

白酒

已斷山陰釀衢州白酒來一風妨挂席三漏盡銜杯青
女期難爽烏君夢未回寫愁兼寓感聊復竟干鼻

過蘭溪

一派蘭溪水迢迢尺五深飽諳經世味漸減近名心夢
繞松篁外吟依橘柚林怪他衾篔冷月墮一峯陰

蘭溪道中

嫩紅已復染枝條一路山光水色饒笑我比年眞退鷁

來船帆幅盡伸腰

俗語云干搖萬搖
不及蓬脚伸腰

夢中頻復起推蓬要驗空江夜半風時有一枝臨水塔
七層堆月影玲瓏

舟行將抵建德

嚴江雨氣何濛濛十里五里灘重重順流亦復盡人力
却值五日東南風嚴陵江水清如洗飛隼影看沉到底
三層雲氣護峯棱五色采文分石理嚴陵江水無一尋
水心清澈同我心惜無一客似舉羽幸有五斗攜山陰
蕭晨已覺流光短如夢紅林百千轉萬端我正感茫茫
雙槩尙歌歸緩緩

過嚴陵灘

古時月照今時灘古人總比今人閒古時魚鳥竟何在

只有化鶴人飛還西臺垂釣東臺哭來往茫茫時代速
除却狂奴七字書一篇生祭文堪讀古人今人亦相接
睂近豈知難見曉欲悟勞勞世上人青林一日飛紅葉
三十年前舊友汪癸巳年九月與汪大端光自新安同舟過此時汪官廣西司馬近從
陽朔看山忙徐君墓亦無尋處徐太守日紀桐廬人沒已及十年明日
扁舟下富陽

七里瀧

我尋九曲溪復渡七里瀧紅雲仙人舟綠浪吳娃艤寢
中看水亦已足一曲水環山數曲水色冥冥作青綠茲
逢九秋杪值此千林紅白雲黃葉兼丹楓五色宕漾空
江中何因霜降無來雁仍有秋分未歸燕三尺梅梁記

共棲萬株楓樹重相見天青月澹雲不流景好可惜無人收明霞海上來無際蓋得萬家秋夢膩桐君揖客上嶺行却值山縣雞初鳴午潮初平子潮起魚尾壓波紅十里

小泊桐廬山村

山雲平屋頭水雲平砌下沿坡三四家居然住雲罅遲遲月方出挂席此間卸人家閉門早飛瀑向窗瀉疎籬一燈背清夢想閒眠已有荒雞聲嚶嚶起殘夜

富陽江上買得一生魚乃縮項鱸也喜而有作

歸途擬趁月初弦詎料秋冬節序遷李白世皆傳欲殺班生人望已如仙果烹菱角長腰好魚煮槎頭縮項鮮

兩日富春江上路快看潮信似年前

癸巳年亦九月十八過此候潮

十八日自富陽陸行至西湖就壑菴小憇卽邀小顛載

舟二僧泛湖至五柳居小飲月上乃返

分韻得奇字

剛喜秋中到武夷又從九日醉東籬

九日阻雨鉛山難醉逆旅陶翁家

忘蒙頂仙人約敢後孤山處士期訪友半塘容欵曲觀

潮絕壁最恢奇居然雲水成佳會并挈閒僧泛總宜

是日

登六和塔觀潮

是夕宿壑菴值破迷方丈初度賦贈一首

蕭晨偏覺賞心孤重展元宵舊夢圖

元夕在湖上看雨

山月四

更容獨酌水窗三面眺全湖定知歸計輸秋燕不盡心

期語夜烏明日古重陽已到更從佛屋飲屠蘇

哭錢三維喬三十韻

歸里忽哭君年前哭君子憶自君兒亡預徵君欲死君
生抱隱憂悲痛常填胃九天與九地理寄均無從復從
前年來憂貧更憂病閭門不一出兀兀學禪定所居半
間舫乃抱一世憂上愁國計虛下苦民俗偷出位貢一
言當局笑迂緩寧知危苦詞所見實深遠半園半甫就
半已出巨蒿何常疏平原亦未記午橋囊金已無多爲
善苦不足時解身上衣頻分口中粟我行三萬里兩惠
尺一書紙色何黯慘淚點仍糝糊以君出腹孫字我甫
生子人方計勞悴君獨誓終始哭我邗水頭夢我邗連
山我歸君鬢成君以禁競渡致遭
里中毀折房屋戚戚無歡顏逐臣縱

生還良友遽死別君詩我點定我句君剖析我時勸君
達君轉規我狂遠出偶一歸定復升君堂感君抱沉疴
感君成骨立甯知三度訪隔幔成兩泣君雖不能飲我
自奠一卮天地色慘悽哭君君不知茫茫六十年仙佛
誤君久我歌醒君迷君其猛回首

揚州頻年水災伊太守秉綬作哀雁詩三章見示率寄
一篇

淮海維揚屢告災晴天白日浪如雷居民僅免爲魚苦
長吏能歌旅雁哀積貯幾年隨水盡流亡分日渡江來
春陵詩與監門畫忍爲遺黎讀百回

跋近人所選名家詩集後

詩人舊例無高秩前有朱查後蔣袁誰似新城王八座
一生名位比華原

明邊尚書貢
新城同鄉也

跋同年凌教授廷堪詩後

古樹屋中尋逸士定林寺裏訪儒林一編且置南樓上
合與東山門碎金

城曲望水西山

凌晨欲出門殘雪封巷口欲訪水西山須攜一尊酒沙
深不能渡舟子尙招手如雨黃葉來埋人岸邊久

將自涇縣抵宣城朱秀才鐘自台泉山四十里冒雨相
送率賦一篇留別

昨與故人別故人今復來急雨行半程面帶台山苔感

子送意誠臨風久
徘徊君看原上禽
更殘亦飛回窮冬
生氣蘇萬物先根
芟昭亭楊柳碧待
子春歸臺

答張徵君炯

我行西阪街苦憶
東國彥千里劇論
心一方難適面微
君富文史古笈錄
幾徧餘情逮金石
目若巖下電頃承
八行札已值歲將
宴宛水凍不流昭
亭亦飛霰城西池
館冷經月罷文讌
京華著書客定爾
炙寒硯思君成首
疾苦乏致書便崇
名邁前喆誰把文
似薦來緘屢開闔
庶幾藉排遣何日
墊角巾能從雨中
見

除日登城東浮圖

紇乾山雀與同升
四壁都鐫佛大乘
錫嶺白飄千尺雪

爨煙紅似萬枝燈，仍見少日無前氣。欲掃浮雲最上層，心事未酬身已老。倚闌空有興飛騰。

趙兵備翼八十索詩率成二律

雲龍追逐願甯虛，一巷迢迢共卜居。同里又兼同館晚

大名剛稱大年初

年來老輩零落殆盡惟公靈光巋然于是益享大名

齊聲久愧

荀鳴鶴爲尾真輸華子魚。絲竹滿堂賓滿坐，興闌我亦

夢華胥

春華秋實久分途，公獨能兼錢

少詹蔣編修盧學士傳

世才仍工應世里，儒識本遜通儒平。心論斷追收約快

意詩篇到陸蘇青史，他年要專傳一編。文苑定難拘

更生齋詩續集卷五終

曾孫用勲刊